

現代生活藝術系列

華嚴經疏論纂要 88

— 如來出現品之三 —

華藏淨宗學會印贈

大方廣佛華嚴經疏論纂要卷第八十八

五臺山清涼國師澄觀疏鈔

太原方山長者李通玄論

閩鼓山私淑比丘道霈纂要

如來出現品第三十七之三

○第五明出現境界。正顯分齊之境。兼辨所緣之境。依初義者。前約智以顯心。此正明智用分齊。依後義者。前明能知。今辨所緣。由所緣無邊故。顯分齊難思。由分齊難思故。方窮所緣之境。二義相成。如函蓋相稱。文中長行分三。謂標釋結。

佛子。菩薩摩訶薩。應云何知如來應正等覺境界。

○釋中二。先法。後喻。法中亦二。先廣取所緣。顯分齊境。後近取諸心。以况佛境。今初。

佛子。菩薩摩訶薩。以無障無礙智慧。知一切世間境界。是如來境界。知一切三世境界。一切剎境界。一切法境界。一切衆生境界。真如無差別境界。法界無障礙境界。實際無邊際境界。虛空無分量境界。無境界境界。是如來境界。佛子。如一切世間境界無量。如來境界亦無量。如一切三世境界無量。如來境界亦無量。乃至如無境界境界無量。如來境界亦無量。如無

境界境界。一切處無有。如來境界亦如是。一切處無有。

〔疏〕文二。先列所緣無邊。後顯分齊無量。今初。先令以無障礙智爲能知者。非此不能量佛境界。故後正顯所緣。文有十句。一通舉所化。二化時。三化處。四化法。五所化人。六七八三皆明所證。於中真如。語其體常一味。故云無差別。法界。生法所依。故云無礙。實際。是窮事至實。故云無邊。九化處。分齊。後一徧通若約二諦境。前五爲俗。次三爲真。九通真俗。事空理空。俱是空故。後一雙非。顯前九境。卽同無。

故。若約三諦。空卽是真。三真爲中道。若以五界攝之。初三是世界無量。四卽調伏。及調伏加行界。五卽衆生。次三卽法界。餘二雙非。二佛子如一切下。顯分齊無量中。先約十境以顯分齊。境智相稱。故皆無量。後約無境顯其非有。乃至真如皆不可得。故。是以諸境雲興而常寂也。如無旣爾。如真如等。無變易等。亦然。

○第二近取諸心以况佛境

佛子。菩薩摩訶薩。應知心境。界是如來境界。如心境。界無量無邊。無縛無脫。如來境界亦無量無邊。無縛

無脫。何以故。以如是如是思惟分別。如是如是無量顯現故。

〔疏〕於中二。先正明。後徵釋。今初無量無邊。語其相。用廣大。無縛無脫。明其體性深寂。次徵意。云。何以將心。況於佛境。釋意。云。菩薩自心。隨思卽顯。故無分量。佛境亦爾。隨機顯現。若身若智。何有量耶。智假思顯。則性無縛脫。不爲相縛。後無脫故。

○第二喻顯。有三喻。前一喻無縛無脫。後一喻無量無邊。無量無邊。通前二段。今初。

佛子。如大龍王。隨心降雨。其雨不從內出。不從外出。

如來境界亦復如是。隨於如是思惟分別。則有如是無量顯現。於十方中悉無來處。佛子。如大海水。皆從龍王心力所起。諸佛如來一切智海。亦復如是。皆從如來往昔大願之所生起。

〔疏〕前明降雨無從喻。正喻無縛脫。既無來處。有何縛脫耶。後明海水從心喻。喻無縛脫所因。水從心力爲因。非定內外。智從昔願緣起。故來卽無來。

○後一海水宏深喻。喻無量無邊。

佛子。一切智海。無量無邊。不可思議。不可言說。然我今者略說譬喻。汝應諦聽。佛子。此閻浮提有二千五

百河流入大海。西拘耶尼有五千河流入大海。東弗婆提有七千五百河流入大海。北鬱單越有一萬河流入大海。佛子。此四天下。如是二萬五千河。相續不絕。流入大海。於意云何。此水多不。答言甚多。佛子。復有十光明龍王。雨大海中。水倍過前。百光明龍王。雨大海中。水復倍前。大莊嚴龍王。摩那斯龍王。雷震龍王。難陀跋難陀龍王。無量光明龍王。連澍不斷龍王。大勝龍王。大奮迅龍王。如是等八十億諸大龍王。各雨大海。皆悉展轉。倍過於前。娑竭羅龍王太子名閻浮幢。雨大海中。水復倍前。佛子。十光明龍王宮殿中。

水流入大海。復倍過前。百光明龍王。宮殿中水流入大海。復倍過前。大莊嚴龍王。摩那斯龍王。雷震龍王。難陀跋難陀龍王。無量光明龍王。連樹不斷龍王。大勝龍王。大奮迅龍王。如是等八十億諸大龍王。宮殿各別。其中有水流入大海。皆悉展轉倍過於前。娑竭羅龍王太子閻浮幢宮殿中水。流入大海。復倍過前。佛子。娑竭羅龍王連兩大海水。復倍前。其娑竭羅龍王宮殿中水。涌出入海。復倍於前。其所出水。緝瑠璃色。涌出有時。是故大海潮不失時。佛子。如是大海其水無量。衆寶無量。衆生無量。所依大地亦復無量。佛

子。於汝意云何。彼大海爲無量不。答言。實爲無量不。可爲喻。佛子。此大海無量。於如來智海無量。百分不及一。千分不及一。乃至優波尼沙陀分不及其一。但隨衆生心爲作譬喻。而佛境界。非譬所及。佛子。菩薩摩訶薩。應知如來智海無量。從初發心。修一切菩薩行。不斷故。應知寶聚無量。一切菩提分法。三寶種不斷故。應知所住衆生無量。一切學無學聲聞獨覺所受用故。應知住地無量。從初歡喜地。乃至究竟無障礙地。諸菩薩所居故。

〔疏〕文三。先標章誠聽。二佛子此闍浮下。喻顯。二佛

子彼大下。法合喻中。三初別顯水多。文有四節。一四洲水。二龍王雨水。三宮殿出水。四娑竭王兼雨兼出。皆後後倍前。以顯深廣。二其所出下。通顯水相涌出。故潮上。速爲寶消。故潮下。此爲極說。三佛子。如是大海下。通顯無量。兼水有四。第三合中。二先合水無量。佛智一念。卽無窮盡。况盡三際。周乎十方。重重重重。安可喻顯。二佛子至應知。如來下。合通顯無量。非唯智爲佛境。菩提分等。皆分齊境也。智海合水。餘合寶等。竝顯可知。

○大文第三總結

佛子。菩薩摩訶薩。爲入無量智慧。利益一切衆生。故於如來應正等覺境界。應如是知。

〔疏〕卽結云。知。意不知佛境。安能利生。

○第二偈頌

爾時普賢菩薩摩訶薩。欲重明此義而說頌言。

如心境界無有量。諸佛境界亦復然。

如心境界從意生。佛境如是應觀察。

〔疏〕五偈分二。初一頌法說。

如龍不離於本處。以心威力澍大雨。

雨水雖無來去處。隨龍心故悉充洽。

十力牟尼亦如是

無所從來無所去

若有淨心則現身

量等法界入毛孔

〔疏〕餘頌前喻亦二初二合頌前二喻同喻無縛脫

如海珍奇無有量

衆生大地亦復然

水性一味等無別

於中生者各蒙利

如來智海亦如是

一切所有皆無量

有學無學住地人

悉在其中得饒益

〔疏〕後二頌大海宏深喻但頌通顯無量餘文畧無

第五出現境界竟

○第六出現之行前明分齊境智無邊今彰運用

則悲智無盡。雖智海已滿。悲無息故。鈔雖智海下。二通法。
謂有問言。行在因中。今果何有。釋云。行雖無量。總不出二。謂智與悲。智行已圓。自利滿故。而運即智之悲。利他不息。若爾。何以下文說真如行。答。此即果滿之行。將說悲智無碍之行。故說真如行之。
本耳。長行中。二先標舉。後釋相。

佛子。菩薩摩訶薩。應云何知如來應正等覺行。

○釋相中。三初。雙標二行。次。雙釋二行。後。雙結二

行。今初。

佛子。菩薩摩訶薩。應知無礙行。是如來行。應知真如行。是如來行。

〔疏〕義有多含。一。無礙行者。即理之事行。真如行者。

卽事之理行。前卽行相。後卽行體。又前是卽智之悲。後是卽悲之智。前卽真之俗。後卽俗之真。融而無礙爲如來行。

○第二雙釋中二。先釋真如行。後釋無礙行。今初。佛子。如真如前際不生。後際不動。現在不起。如來行亦如是。不生不動不起。佛子。如法界非量非無量。無形故。如來行亦如是。非量非無量。無形故。佛子。譬如鳥飛虛空。經於百年。已經過處。未經過處。皆不可量。何以故。虛空界無邊際故。如來行亦如是。假使有人經百千億那由他劫。分別演說。已說未說。皆不可量。

何以故。如來行無邊際故。

〔疏〕真如之名。言合法喻。文中有三。初牒名以解。明體絕三際。故同真如。契如成行。行即如也。過未非緣。故不生不動。現在離緣。故非起也。鈔真如之名者。經云。如真如。如前際不生等。即以真如喻佛行也。若佛行契如。行即是如。故即是法。過未非緣者。過去緣已謝。未來緣未會。故曰非緣。由非緣故。過去無可生。未來無可動。現在雖在緣中。不與緣合。故云離緣。故廻向中。明徧在三世。不同二世。徧在一切。二復舉法而非一切。故緣雖起滅。而湛然無起。三舉法界無形。明雙非契中。是知實相等。皆如來行。三舉鳥飛虛空喻。釋非量義。非量有二。一行廣無量。故二云。如來行無邊際故。二即事同真。便無分量。故以

空喻。既無有量。何有無量。若謂無量。卽是量故。雙非永寂。爲如來行故。心彌虛。行彌曠。終日行而未曾行。故涅槃云。復有一行。是如來行。所謂大乘大般涅槃。

○第二釋無礙行

佛子。如來應正等覺。佳無礙行。無有住處。而能普爲一切衆生。示現所行。令其見已。出過一切諸障礙道。佛子。譬如金翅鳥王。飛行虛空。迴翔不去。以清淨眼。觀察海內諸龍宮殿。奮勇猛力。以左右翅。鼓揚海水。悉令兩闢。知龍男女。命將盡者。而搏取之。如來應正

等覺金翅鳥王亦復如是。住無礙行。以淨佛眼觀察法界諸宮殿中一切衆生。若曾種善根已成熟者。如來奮勇猛十力。以止觀兩翅。鼓揚生死大愛水海。使其兩闢而撮取之。置佛法中。今斷一切妄想戲論。安住如來無分別無礙行。佛子。譬如日月獨無等侶。周行虛空利益衆生。不作是念。我從何來而至何所。諸佛如來亦復如是。性本寂滅。無有分別。示現遊行一切法界。爲欲饒益諸衆生故。作諸佛事。無有休息。不生如是戲論分別。我從彼來而向彼去。

〔疏〕文中二。先約法總明。後以喻別顯。今初。智無所

住悲示所行。卽悲智無礙。自無二礙。令他無礙。皆無礙行也。二別以喻顯中。二喻。初金翅闢海喻。卽卽智之悲。後日月無思喻。喻悲不失智。

○第三雙結二行

佛子。菩薩摩訶薩。應以如是等無量方便。無量性相。知見如來。應正等覺所行之行。

〔疏〕性結真如。相結無礙。

○第二偈頌

爾時普賢菩薩。欲重明此義。而說頌言。

譬如真如不生滅。

無有方所無能見。

大饒益者。行如是

出過三世不可量

法界非界非非界

非是有量非無量

大功德者。行亦然

非量無量無身故

如鳥飛行億千歲

前後虛空等無別

衆劫演說如來。行

已說未說不可量

金翅在空觀大海

闢水搏取龍男女

十力能拔善根人

令出有海除衆惑

譬如日月遊虛空

照臨一切不分別

世尊周行於法界

教化衆生無動念

疏偈頌有五。前三頌真如。後二頌無礙。

第六出現之行竟

○第七出現菩提圓行之果故對緣造修必有成
正覺故文中三謂徵起釋相總結徵言正覺畧
顯五門一釋名晉名菩提存其梵語此翻爲覺
正揀二乘成異菩薩初會已顯又單語菩提但
是所覺之道今云成者卽理智契合之名二明
體性攝論云二智二斷爲菩提體智論云菩提
菩提斷俱名爲菩提若依此經通一切法如文
具之鈔二智卽根本後得一斷卽斷二辨種類
煩惱所知此經圓宗故通一切
或說唯一如智契合無二相故淨名云夫如者

不二不異故。或開爲二。大品明。有性淨菩提。及
修成故。亦名性淨。方便淨也。或分爲三。約三乘
故。如十地論。或開爲四。涅槃云。下智觀者。得聲
聞菩提。乃至上上智觀。得佛菩提。又四智菩提。
亦是四義。或分爲五。如大品智論說。發心等。或
具明十。如離世間品。唯十爲圓。是此所辨。三除
前二。四除前三。五除前四。餘皆兼通。同教一乘
之所攝故。若業用所現。則無所不收。後三除下。約同教門。
揀而收之。四明業用。文有十門。而體用參顯。各隨別
義立目。今統收之。謂緣二諦。斷二障。證二空。起

二智印羣機現萬像。具十身徧十方。周於毛端
微塵等處。通因及果業用無邊。具如文顯。五者
辨相。卽當釋文畧辨十門。一總明體相。二印現
萬機。三體相甚深。四三輪平等。五因果交徹。六
體離虧盈。七相無增減。八用該動寂。九周于法
界。十普徧諸心。十門之中。亦可當門別釋。今且
以初爲總。餘九爲別。別雖九門。而釋十義。初釋
第一。二釋第十。謂舉初該後。三從第四次第解
釋。第十一門。釋八九二義。至文當知。釋文顯然。
不應異解。今初

佛子。諸菩薩摩訶薩。應云何知如來應正等覺。成正覺。佛子。菩薩摩訶薩。應知如來成正覺。於一切義。無所觀察。於法平等。無所疑惑。無二。無相。無行。無止。無量。無際。遠離二邊。住於中道。出過一切文字言說。

〔疏〕初總明。具有十門。皆合體相。用三。一寂照爲菩提體。故云於一切義。無所觀察。一切義者。真俗境也。觀極於無觀。故淨名云。不觀是菩提。離諸緣。故如海無心。而能頓鑒。非無所了。故晉經云。解一切義。二經合明。義方圓妙。解卽是觀。觀卽無觀。旣觀念斯寂。無惑習種。無觀是體。照斷爲用。合之爲相。

二等同萬法爲菩提體。謂知與理冥同一圓覺。故云於法平等。而不失照。決斷分明。云無疑惑。既無所疑。卽所知永寂。三一成一。成一切成。不見生佛有異。故云無二。以知一切衆生卽菩提相故。亦是能所不二。淨名云。不二。是菩提。離意法故。四總指前三體相寂滅。是菩提。滅諸相故。鈔四總指前三者。釋經無相。卽是下文體離虧盈。下釋云。成與不成。常無增減。菩提非相。非非相故。五卽心行處滅。湛然不遷。亦是不行。是菩提。無意念故。五心行處滅者。釋經無行。卽是下文相。六雖覺而常定。不住定故。六雖覺者。釋經無增減。六雖覺而常定。不住定故。六雖覺者。釋經無止。以不住定故。卽是下文。七有二義。一橫徧十方。廣無量故。二用該動寂。

體無生滅。絕分量故。七有二義者。釋經無量。八亦即下文周于法界。

二義。一豎念念成。無際畔故。二一得永常。無後際

故。心無初相。冥符於理。無前際故。八亦二義者。釋經無際。即是下

文音偏諸心。九離邊契中。晉經此前。有無縛無脫。竝含

在二邊之內。謂若染若淨。若縛若脫。有無一異等。

斯邊皆離。不偏任著。故曰離邊。非見有邊。邊即中

故。無中無邊。方任中道。九離邊契中。下。釋經遠離二邊。任於中道。即是下文

音偏諸心。十總顯離言。上九寄言顯深。未盡菩提之奧

故。收歸性離。令亡言契之。十總顯下。釋經出過一切文字。言說即是下文

體相甚深。斯則上九寄言顯深。今菩提離言顯深。

○第二印現萬機。卽海印三昧。

知一切衆生心念所行。根性欲樂。煩惱染習。舉要言之。於一念中。悉知三世一切諸法。佛子。譬如大海。普能印現四天下中一切衆生色身形像。是故共說以爲大海。諸佛菩提亦復如是。普現一切衆生心念根性樂欲。而無所現。是故說名諸佛菩提。

〔疏〕文中三初法。一念知三世。各一切智。次喻。卽舉海印。以喻菩提。無心頓現。二合。言無所現者。有二義。一無心現故。如海。二所現空故。如像。三無別體故。如水與像。不可分異。自體顯現。故名爲覺起信。

論云。諸佛如來。離於見想。無所不徧。心真實。故卽是諸法之性。自體顯照。一切妄法。有大智用。斯卽無思顯照同體之境。爲菩提相用。故上文云。於一切義。無所觀察。鈔論問曰。虛空無邊故。世界無邊。故。衆生無邊。衆生無邊。難解。若無明斷。無有心想。云何能了。各一切種智。答曰。一切境界。本來一心。離於想念。以諸衆生。妄見境界。故。心有分齊。以妄起想念。不稱法性。故。不能決了。諸佛如來。離於見相。無所不徧。心真實。故。卽是諸法之性。自體顯照。一切妄法。有大智用。無量方便。隨諸衆生。所應得解。皆能開示種種法義。是故得名一切種智。

○第三性相甚深

佛子。諸佛菩提。一切文字所不能宣。一切音聲所不

能及一切言語所不能說。但隨所應。方便開示。

〔疏〕性離言故。理圓言偏故。

○第四三輪平等。釋上於法平等。等諸法故。意輪等故。何所疑哉。鈔意輪等者。緣上標章云。於法平等。無有疑惑故。

佛子。如來應正等覺。成正覺時。得一切衆生量等身。得一切法量等身。得一切刹量等身。得一切三世量等身。得一切佛量等身。得一切語言量等身。得真如量等身。得法界量等身。得虛空界量等身。得無礙界量等身。得一切願量等身。得一切行量等身。得寂滅涅槃界量等身。佛子。如所得身。言語及心。亦復如是。

得如是等無量無數清淨三輪

疏文中二。先別舉身等。後類結顯多。今初有十三身。前六等事。次三等理。次一等事理。事事無礙。後三等因果。畧舉十三。故結云無量。皆言量者。是所等之分量。皆言等者。卽能等之。三輪等有二義。一等彼事理之量。二等彼事理之體。所以等者。彼諸理事。卽我所證。能所冥合。彼尙卽我等之何難。是以聖人空洞無像。物無非我。會萬物以成已也。後佛子如所得下。類結可知。

○第五明因果交徹。釋上無二同一性故。文中三。

初標次釋三結今初

佛子。如來成正覺時。於其身中。普見一切衆生成正覺。乃至普見一切衆生入涅槃。

疏八相之中。畧舉其二。故云乃至。此文正同淨名

云。若彌勒得菩提者。一切衆生皆亦應得。一切衆

生即菩提相。彌勒示迷此旨。但謂理詰之言。不知

真得菩提。實如所詰。鈔即菩薩品。彌勒為兜率天子說不退轉地之行淨名難

云。為從如生得授記耶。云云。若以如生得授記者。如無有生。若以如滅得授記者。如無有滅。一切衆

生皆如也。一切法亦如也。衆聖賢亦如也。至於彌勒亦如也。若彌勒得授記者。一切衆生亦應授記。

所以者何。夫如者。不二不異。若彌勒得阿耨多羅三藐三菩提者。一切衆生皆亦應得。所以者何。一

切衆生。卽菩提相。若彌勒得滅度者。一切衆生亦
 當滅度。所以者何。諸佛知一切衆生畢竟寂滅。卽
 涅槃相。不復更滅。釋曰。今正釋成正覺義。故但引
 菩提。若據經文云。乃至入涅槃。則有亦當滅度之
 義。故今具引耳。彌勒示迷下。第二出彼經意。旣爲
 補處。何理不窮。寄於受屈。以悟時聽耳。言但謂理
 詰之言者。卽是迷相。然迷有二意。一約彌勒受難
 云。一切同如。而我獨得授記。誠乖理也。故云理詰
 之言。二者彌勒不受難。云理詰。雖一如行滿得記。何
 得以理而難事耶。故云理詰。不知真得者。三正會
 釋淨名。非曰妄詰。真實菩提。誠乃一得一切得耳。
 則受難不受難。俱迷此理。若顯不迷。應對淨名。實
 如所言。我已見生得。又前章以我等彼。故徧同彼
 記作佛。入涅槃竟。又前章以我等彼。故徧同彼
 量。今明以彼等我。故全現我中。是知一性平等。反
 覆相成。則前是普徧。此是廣容。言一性平等。反覆
 相成者。前章明平等。此章明一性。故下釋
 中。皆同一性。由平等故。唯是一性。此中之成。爲理
 由一性故。何不等耶。故云相成。

爲事。若是事成。何以釋云。同一性故。若是理成。何以此云。成正覺耶。入涅槃耶。此是華嚴大節。圓宗之義。不對諸宗。難以取解。然諸衆生。若於人天位中觀之。具足人法二我。小乘唯是五蘊實法。大乘或說但心所現。或說幻有卽空。人法俱遣。或說唯如來藏具恒沙性德。故衆生卽在纏法身。法身衆生。義一名異。猶據理說。更有說言。相本自盡。性本自現。不可說言卽佛不卽佛等。若依此宗。舊來成竟。亦涅槃竟。非約同體。此成卽是彼成。然諸衆生下卽五教意兼人天爲六。若爾。何以現有衆生。非卽佛耶。若就衆生

位看者。尙不見唯心卽空。安見圓教中事。如迷東
謂西。止執西故。若諸情頓破。則法界圓現。無不已
成。猶彼人悟西處全東。若爾。諸佛何以更化。衆生
不如是知。所以須化。如是化者。是究竟化。如是化
者。無不化時。故下結云。大悲相續。救度衆生。隨門
不同。種種有異。約成佛門。一切成也。隨門不同。下
卽類結餘門。

門雖有多。且畧分四。一約性。卽一眞法界。二約相。
卽無盡事法。三約性相交徹。顯此二門。不卽不離。
四以性融相。德用重重。初約性門者。問。體是佛不。
答。是。應成四句。一。是佛。法性身無所不至。故經云。
性空。卽是佛故。二。非佛。絕能所覺。謂其性平等。一。
眞法界。非佛非衆生故。三。亦佛亦非佛。以法性身。
無自性故。四。雙非。性與無性。雙泯絕故。經云。無中
無有二。無二亦復無。三世一切空。是則諸佛見二。

就相門。乃有二義。一情。二非情。真心隨緣變能所。故然。此二門。各分染淨。謂無明熏真。如成染緣起。真如熏無明。成淨緣起。染成萬類。淨至成佛。以修淨緣。斷彼染緣。方得成佛。依此二義。則生佛不同。於淨緣中。因果。因有純雜。果有依正。若約純門。隨一菩薩。盡未來際。唯修一行。一皆然。若約雜門。萬行齊修。盡未來際。若約因門。盡未來際。常是菩薩。善約果門。盡未來際。常是如來。經云。為衆生故。念念新新成等正覺。若雙辨二門。盡未來際。修因得果。若約雙非。盡未來際。非因果。便同真性。前之二門。雙具悲智。雙融心境。第三性。相交徹門中。曲有四門。一以性隨相。同第二門。二會相歸性。同第一門。三雙存無碍。具上二門。依此。則悲智雙運。性相齊驅。寂照雙流。成大自在。四互奪雙亡。則性相俱絕。沒同果海。無成不成。第四以性融相。相雖萬差。無不卽性。性德包含。全在相中。以性融相。相如於性。令上諸門。皆無障礙。因果交徹。純雜相融。事事相參。重重無盡。今就性門四句之內。是卽佛門。不取餘三。就相門中。約有情門。是淨非染。是果非因。是一分義。非此所用。就交徹門。佛則性相。

雙融。生則會相歸性。今經正約第四。以性融相。一
成一切。皆成謂以佛之淨性融生之染。以佛一性
融生之多。令多染生隨一真性。皆如於佛已成。佛
竟非。唯有情會萬類相融。為佛體。無不皆成。故肇
公云。會萬物而成已者。其唯聖人乎。又云。故至人
空洞無象。物無非我。以佛之性融於物性。同佛皆
成。以物之性融物之相。故令三業等。於萬類。即今
經意。而非餘門。故云。隨門不同。今是成佛門也。頓
教多。同約性四門。終教。即同性相。交徹。始教。有二。
幻有。即空。同會相。歸性。但唯心現。多同。第二。小乘
人天。皆同。相門。由此有云。無情成佛。是約性相相
融。以情之性融。無情相。以無情相。隨性融。同有情
之性。故說無情有佛義。若以無情不成佛也。以成與不成
情之相。亦得說言。諸眾生不成佛也。緣起相由故。色
情與無情。無二性。故法界無限。故佛體皆周。故色
空無二。故法無定性。故十身圓融。故緣起相由故。
生界無盡。故因果周徧。故遠離斷常。故萬法虛融。
故故說一成一切成也。非謂無情亦有覺性。同情
成佛。若許成佛。此成則能修因。無情變情。又此衆
情變無情。便同邪見。餘義具如前後廣說。

生乃是像上之模。令其去模。則自見已佛。亦見他成如第十段。又此衆生者。重釋。此是一義。前同佛心塵中經卷。下同第十七。普徧諸心以見自成。卽見他成。同下自心。念念常有佛成正覺。

○二釋

皆同一性。所謂無性。無何等性。所謂無相性。無盡性。無生性。無滅性。無我性。無非我性。無衆生性。無非衆生性。無菩提性。無法界性。無虛空性。亦復無有成正覺性。

疏釋中。先總釋。同一無性。故得現成。妄性本虛。生元是佛。真性叵得。非今始成。故皆成也。
鈔三釋中者。此有三

意。一云。同一無性。故得現成者。謂既無二性。佛證一性。得成佛。故生隨一性。皆成佛矣。二云。妄性本虛。生元是佛者。生自有妄。見生非佛。佛了妄虛。生何非佛。三真性。叵得非今始成者。若有可得。今得成佛。證性。叵得佛。非始成。佛非始成。佛本是佛。佛之本佛。何異生佛。是故一成。一切皆成。亦可說言。若一不成。一切不成。同一性。故今。次轉徵。所無。無是成佛門。故。故一切皆成佛也。

何等性。同菩提性。故。後釋所無。有十二句。前四通生及佛。次四衆生。後四唯約佛。非獨妄空。真有。亦非妄有。真空。以性融相。法界圓現。故。由此無性。說成正覺。又攝十二。總爲六對。一能相所相對。謂染相淨相。相待有故。念念之盡。緣所盡。故煩惱永盡。本自盡。故。一能相所相對者。相爲所相。盡即能相。所相法體。卽是有爲。不出染淨。言相待。

有故者。釋成無義。染待淨有。故無染相。淨待染有。故無淨相。是故經云。無相性也。言無盡性者。盡卽能相生滅。染淨全是。有爲然生滅四相。畧有二種。一刹那盡。云念念滅。以緣滅故。顯無滅性。二一期滅。如煩惱性盡。以性空門。顯無滅義。二生滅對。約凡則本自不生。卽涅槃相。不復更滅故。約佛菩提非始生故。何有滅耶。三我非我對。有緣無主故。我尙不可得。非我何可得。諸法實相中。無我無非我故。四緣非緣對。攬緣生故。緣尙不可得。故五能所證對。能證菩提。因所證故。所證法界。由智顯故。六合不合對。虛空非合。因有顯故。所以性無成。覺是合。理智契合。卽爲緣起。故非有也。六合非合對。虛空無體。不與物合。亦以因緣顯無虛空。成正覺者。能

所契合。亦因緣門。釋無正覺。故一合相。非一合相。

○三結

知一切法皆無性。故得一切智。大悲相續。救度衆生。

〔疏〕結中。物物無性。故成種智。證斯同體。而起大悲。

一得永常。故云相續。又只由不知無性。故教化不

絕。〔鈔〕物物無性下。疏有二意。一由證無性。故得成佛。無性即是大悲之體。故得起悲。又只由下。二

由生。不知佛證無性。故化令知。

○第六明體離虧盈釋上無相

佛子。譬如虛空。一切世界若成若壞。常無增減。何以故。虛空無生故。諸佛菩提亦復如是。若成正覺不成。

正覺亦無增減。何以故。菩提無相。無非相。無一。無種種故。

〔疏〕虛空無生。故體無增減。菩提無相。成不寧殊。

○第七明相無增減。釋土無行。湛然不異。行豈能遷。

佛子。假使有人。能化作恒河沙等心。一一心復化作恒河沙等佛。皆無色。無形。無相。如是盡恒河沙等劫。無有休息。佛子。於汝意云何。彼人化心。化作如來。凡有幾何。如來性起妙德。菩薩言。如我解於仁所說義。化與不化等。無有別。云何問言。凡有幾何。普賢菩薩。

言。善哉善哉。佛子。如汝所說。設一切衆生於一念中。悉成正覺。與不成正覺。等無有異。何以故。菩提無相。故若無有相。則無增無減。佛子。菩薩摩訶薩。應如是知成等正覺。同於菩提。一相無相。

〔疏〕文中三。初舉喻問答。以化現無形。喻成不異。化多心者。喻修多因。化成多佛。喻證多果。次普賢下。讚善以合。三佛子下。結此生後。

○第八用該動寂。釋上無止不滯定故。

如來成正覺時。以一相方便。入善覺智三昧。入已於一成正覺廣大身。現一切衆生數等身住於身中。如

一成正覺廣大身。一切成正覺廣大身。悉亦如是。佛子。如來有如是等無量成正覺門。是故應知。如來所現身無有量。以無量故。說如來身為無量界。等衆生界。

〔疏〕文中四。初舉所依。二昧覺不滯寂。故名善覺。覺彼一相。故用爲方便。二入已下。顯一身之用。旣以一相爲方便。則物皆一相。故一卽現多。三如一下。類顯餘身。如來成正覺時。布身雲於法界。一一皆是廣大之身。竝如一身之現。四佛子下。總結多門。謂上來所現一定爲門。餘定亦爾。定門旣然。悲智

總持等門亦爾。故有無量界矣。是謂高而無上。廣

不可極。

砂是謂高而無上者。顯高廣義。此及下大。包天地等。皆是摩公涅槃無名論位體中。

文。彼云。經言菩提之道。不可圖度。高而無上。廣不可極。淵而無下。深不可測。大包天地。細入無間。

○第九明周于法界。釋上無量。無量有二。一廣多

無量。一毛含多。徧法界故。二無分量。皆不生故。

佛子。菩薩摩訶薩。應知如來身一毛孔中。有一切衆生數等諸佛身。何以故。如來成正覺身。究竟無生滅。故如一毛孔徧法界。一切毛孔。悉亦如是。當知無有少許處。空無佛身。何以故。如來成正覺。無處不至。故隨其所能。隨其勢力。於道場菩提樹下。師子座上。以

種種身成等正覺

疏文中三初明一毛含多釋以不生故此與前段

分無分異又此唯現佛即同類相望前通多類即

異類相入又前則住體徧應此則如理而合亦如

理而徧鈔此與下揀異第八有三重揀一約能現

所現揀前通多類者但言現身此云現佛故三又

前下約義相揀前住體徧應者即緣起相由門由

任緣起一佛身體徧應一切成多類故此則如理

下是法性融通門法性如空有其二義一則廣大

無所不包故譬如虛空具含衆象二則體性周徧

故喻云譬如虛空徧至一切色非色處一毛含多

即廣容義徧法二如一毛下類顯多毛但容毛處

界毛即普徧義即是毛孔次微意云身契無生可許能含法界虛

空無有能契。何能亦含釋云。無處不至。則無非佛

身矣。是謂大包天地。細入無間。是謂大包下。一毛廣容。即大包天地。

多身入毛。即細入無間。三隨其下。釋疑。疑云。若爾。何以要就

覺樹。釋云。隨機所能受耳。是知坐菩提樹。多身頓

成。尚曰隨宜。有頂鹿園。豈為真極。是知等者。舉况顯勝。有頂。即是

權教中說。真成之處。鹿園。即是入相化身轉法之處。今於此成。即周法界。此處轉法輪。即於法界無盡處轉。

○第十明普徧諸心釋前一門

佛子。菩薩摩訶薩。應知自心。念念常有佛成正覺。何以故。諸佛如來。不離此心。成正覺故。如自心。一切衆

生心亦復如是。悉有如來成等正覺。廣大周徧無處不有。不離不斷。無有休息。入不思議方便法門。

疏卽分爲二。初正明普徧。釋上無際。念念常成。無際畔故。後廣大下。總結雙非。釋上遠離二邊。住於中道。今初亦二。先指一心。後如自心下。例一切心。前中先標。次徵。後釋。釋云。不離者。有二義。一衆生身心。卽佛所證故。二全卽佛菩提性故。此卽他果。在我之因。非約因人自有佛性。此文正辨佛菩提故。鈔此文正辨者。成上非約。因人有性是佛性義。今說佛菩提。而言衆生心有之者。卽他果佛在我內耳。後總結雙非。不離不斷。釋有二意。一不離。

結上無處不有。不斷。生下無有休息。一不離者。生佛非異故。不斷者。生佛非一。不同衆生可斷壞故。是名入不思議方便法門。是以不得意者。作衆生思。故是不可。設作佛思。是亦不可。卽亦不可。非卽亦不可。當淨智眼。無取諸情。

○第三總結

佛子。菩薩摩訶薩。應如是知。如來成正覺。

〔疏〕令依此知。眼前十門。無幽不盡。離此何有眞菩提耶。

○後偈

爾時普賢菩薩摩訶薩。欲重明此義而說頌言。

〔疏〕後偈有六。願前十門。初二次第願初二門。次三如次願六七八。後一通頌四五九十。以同是普現無量義故。其第三門。但顯離言。故畧不頌。

正覺了知一切法

無二離二悉平等

自性清淨如虛空

我與非我不分別

如海印現衆生身

以此說其爲大海

菩提普印諸心行

是故說名爲正覺

譬如世界有成敗

而於虛空不增減

一切諸佛出世間

菩提一相恒無相

如人化心化作佛

化與不化性無異

一切衆生成菩提

成與不成無增減

佛有三昧名善覺

菩提樹下入此定

放衆生等無量光

開悟羣品如蓮敷

如三世劫刹衆生

所有心念及根欲

如是數等身皆現

是故正覺名無量

疏初頌總明體相。二頌印現萬機。三頌體離虧盈。

四頌相離增減。五頌用該動寂。六通頌四五九十。

第七如來出現成正覺竟

○第八明出現轉法輪。得大菩提。理必轉授長行。

中二初標徵

佛子。菩薩摩訶薩。應云何知如來應正等覺轉法輪。

○次釋相中二。先顯體用。後顯所因。今初

佛子。菩薩摩訶薩。應如是知。如來以心自在。力無起。無轉而轉法輪。知一切法恒無起故。以三種轉斷所應斷而轉法輪。知一切法離邊見故。離欲際非際而轉法輪。入一切法虛空際故。無有言說而轉法輪。知一切法不可說故。究竟寂滅而轉法輪。知一切法涅槃性故。以一切文字一切言語而轉法輪。如來音聲無處不至故。知聲如響而轉法輪。了於諸法真實性。

故於一音中出一切音而轉法輪畢竟無主故無遺
無盡而轉法輪內外無著故

〔疏分三〕初法次喻後結勸。今初文有九句。減數十
也。皆先標後釋。前五顯體性寂寥。後四辨相用深
廣。前中一能轉心。二所轉體。三所得果。四能詮教。
五所顯理。夫轉法輪不過此五。今皆卽事契真。一
能轉心者。由知法無起故。正轉法時不起心念。言
我轉授前人。名心自在。如是方爲真能轉也。二所
轉體者。卽示勸證。名爲三轉。此三名輪者。摧障惱
故。言離邊者。若有惑可摧。未離於常。無惑可摧。寧

免於斷。今永離斷常等邊。方為真能斷所應斷。知

與證修亦然。（鈔）二所轉者。一示相轉。二勸修轉。三作證轉。三所得果者

由斷惑故得離欲際。由證性空。本無可離。斯際亦

遣。四能詮教者。理假言詮。今了本寂滅。不可說故

則終日言而未會言也。五所顯理。謂即寂滅。今了

性淨涅槃。法本不然。今則無滅。方為究竟之滅。是

知其輪本來常清淨也。是知其輪者。即暗引淨名。寶積云。三轉法輪於大千。

其輪本來之清淨。古來多釋。今取其清淨之理。為法輪體也。後四相用深廣

中。一觸言皆輪。廣也。二即用而寂。深也。下二亦深

亦廣。三一即多而無王。四即橫豎而恒虛。謂橫則

無遺。無所不轉。故豎則無盡窮。未來故而不著內。
外。則深廣無涯矣。故後四段明相用深廣。則迥異餘宗。爲不壞相。畧引餘釋耳。

佛子。譬如一切文字語言。盡未來劫。說不可盡。佛轉法輪亦復如是。一切文字。安立顯示。無有休息。無有窮盡。佛子。如來法輪。悉入一切語言文字。而無所住。譬如書字。普入一切事。一切語。一切筭數。一切世間。出世間處。而無所住。如來音聲亦復如是。普入一切處。一切衆生。一切法。一切業。一切報中。而無所住。一切衆生種種語言。皆悉不離如來法輪。何以故。言音實相。卽法輪故。佛子。菩薩摩訶薩。於如來轉法輪。應

如是知

〔疏〕第二喻中。文有二喻。一文字無盡喻。喻第九無盡。二徧入無任喻。喻六七八。用而常寂故。於中有法喻合。合中二。先合普入一切。以上法中。但云入一切言故。今明入餘法。則觸類皆法輪。豈同三乘。但用佛聲爲輪等耶。一切衆生種種下。正合前文。入一切語。前五易故。畧不喻之。鈔豈同三乘者。棟實異權。而言等者。就佛聲中。棟尋常言。如問晴雨。安慰弟子等。亦非法輪。唯取轉法。又要令。他斷惑見理。方名法輪。今此乃至數重深玄。一則不論斷不斷等。說卽名輪。故經云。如來所轉妙法輪。一切皆是菩提分。若能聞已。悟法性。如是之人。常見佛。二者尋常之言。亦是法輪。如來無有散亂聲故。言不虛發。如涅槃說。

如來一切語言。皆名轉法輪。故三者能令三界所有聲聞者。皆是如來音故。四者不揀聲與非聲。徧於法界。皆法輪體。况復一多交徹。第三結勸可知。相映融卽。豈同三乘之法輪哉。

○第二顯法輪所起因

復次佛子。菩薩摩訶薩。欲知如來所轉法輪。應知如來法輪所出生處。何等爲如來法輪所出生處。佛子。如來隨一切衆生心。行欲樂無量差別。出若干音聲。而轉法輪。佛子。如來應正等覺。有三昧。名究竟無礙。無畏。入此三昧已。於成正覺。一一身。一口。各出一切衆生數等言音。一一音中。衆音具足。各各差別。而轉法輪。令一切衆生皆生歡喜。能如是知轉法輪者。

當知此人。則爲隨順一切佛法。不如是知。則非隨順。佛子。諸菩薩摩訶薩。應如是知。佛轉法輪。普入無量衆生界故。

疏於中三。先辨論所起因。因機差故。若離物機。佛無說故。次佛子如來下。明因所起輪。物既爲力不同。教須適宜差別。於中說法所依之定名者。無礙辨才。無所怯畏。得究竟者。唯佛有故。後能如是知下。結其得失。及第三總結。文竝可知。

○二偈頌

爾時普賢菩薩摩訶薩。欲重明此義而說頌言。

如來法輪無所轉	三世無起亦無得
譬如文字無盡時	十力法輪亦如是
如字普入而無至	正覺法輪亦復然
入諸言音無所入	能令衆生悉歡喜
佛有三昧名究竟	入此定已乃說法
一切衆生無有邊	普出其音令悟解
一一音中復更演	無量言音各差別
於世自在無分別	隨其欲樂普使聞
文字不從内外出	亦不失壞無積聚
而爲衆生轉法輪	如是自在甚奇特

疏得有五頌分二初二偈頌法輪體用後三偈頌法輪所因

第八出現轉法輪竟

興德庵弟子傳理一乘陳翰者同刻
華嚴經如來出現品疏論纂要第八十
八卷伏願蠲除夙障深入華藏之門圓
滿正因究竟菩提之果
康熙二十二年九月 日華藏室謹題

大方廣佛華嚴經疏論纂要卷第八十八